

Ленинэнь киява

ВЛКСМ-нь Мокшэрзянь обкомонь ды Саранскоень ошонь комитетэнь газетаст

АВГУСТОНЬ

16 чи,

1937 ие

№ 93 (767)

ЛКСИ:

7-це ие

чинь ютазь

Сех вадра комсомолецтнэнь--партияв

ВЛКСМ-нь Центральной Комитетсь тейсь специальной решения "ВЛКСМ-нь ядтнэс комсомолецтнэнь вовлечениядо". Те постановлениась эщо весть тешксты, што комсомолось — большевистской партианть кеме резерва ды бое-способной лездыця.

Теке марто те решениясь комсомолонь весе комитеттнэнь кармавть серьезнойст кундамсэрыва чинть ды деловой роботас партиав комсомолецтнэнь анокстамонть ды вовлечениянь коряс.

ВЛКСМ-нь уставсонть мерезь: "Комсомолецсь лови эстенэз пек покш честекс улемс ВЛКСМ-нь членкс ды весе эсинэз деятельностьсэнэз ды тонавтнемасонзо анокстамс эсь прязо партиань рядтнэс совамонтень".

Сех парт, политически закаленной ды практической роботасо прове, зы комсомолецтнэнь ВЛКСМ-нь рядтнэс анокстамось ды вовлечениясь комсомольской организациятнэнь роботасост ашти важной задачакс.

Тень а чаркодить минек республикань комсомольской ламо организацият ды васняк ВЛКСМ-нь обкомось. Сын а чаркодить сень, што неть иетнень перть, зярдю уль-несь лоткавтозь партиас примамось, касцгь сядот пек паро од ломанть, коммунизмэнь теветень беззаветно преданнойть ды стойкойть, конат арсить партиас совамо, ды партиань рядтнэс седеяк кеместэ бороцямс Ленинэнь—Сталинэнь теветень кис.

Те задачанть ачаркодеманзо кувалт, сех парт комсомолецтнэнь партиас вовлечениянь ды анокстамонь теветень нолдызь самотекс. Ансяк тень эйстэ можна толковамс сень, што минек республикасонть партиас комсомолецтнэнь вовлечениясь юты пек беряньстэ. Ковылкина районсо 9 коновь перть 730 комсомолецтнэнь эйстэ партиас кандидаткс примазь ансяк 2 ломанть. Покш Березникень районсо 630 комсомолецтнэнь эйстэ партиас примазь 2 ломанть. Рузаевкань районсо комсомолецтнэнь эйстэ партиас примазь ансяк 3 ломанть, косо, комсомольской организациясонть ловновить 1370 ломанть, ды нетнень эйстэ пеледест ламо роботыть чугункань кинь транспортсо, конатнень ютксо

аволь аламо замечательной ломанть — Сталинской призывень значкистт, кривоносоецт, стахановецт, ударникт.

Истямо положениясь корты седе, што кой кона районтнэсэ пек беряньстэ аравтозь политико-воспитательной роботась, комсомолонь активенть ютксо роботась, ды корты седе, што комсомолонь комитеттнэ сезевсть комсомолонь массатнэнь эйстэ ды а содасызь сынст.

Эряви истя жо тешкстамс, што кой кона районтнэсэ, эсь бдительностест лангс невтеманть коряс, бюрократически маринуют целаконг комсомолецтнэнь заявленияст рекомендациянь максомодо конатнень по существу а ванкшныть ды комсомолецтнэнь мезеяк а отве-чакшныть.

Истя ашти теветсь Рузаевкань, Рыбкинань, Ельниковань, Торбевань ды лия районтнэсэ. ВЛКСМ-нь Рузаевкань райкомс максозь ниленьгеменде ламо заявленийт, конатнэс комсомолецтнэ вешить рекомендацят, ваннозь жо ансяк 16, ды нетнененьгак, конатненень решасть максомс рекомендацят, прок правила, рекомендацятнень 20 чиде икеле а максныть.

Комсомольской организациятне, ды васняк ВЛКСМ-нь обкомось должны кундамс сех вадра комсомолецтнэнь партиас анокстамонь ды вовлечениянь теветень, Роботань основакс аравтомс комсомомлецтнэнь политической образованиянь теветень, комсомолецтнэнь изученияньт, сынст ютксо персональной роботанть допрок вадрылгавтоманть.

Теке марто жо вейке минуткак а эряви стувтомс сень, што партиас комсомолецтнэнь вовлечениянь шкастонть эрва комсомолецтнэнь эряви теемс индивидуальной подход, партиас рекомендо-вамс алкукс сех вадра ды Ленинэнь — Сталинэнь победоносной партиань теветень преданной комсомолецтнэнь.

Эряви ваномс се мельга, штобу а нолдамс партиас народонь врагтнэнь—троцкистнэнь, бухариновецтнэнь ды лия двурушниктнэнь, на-садо ломантнэнь. Кеместэ повнямс партиань доверияньт, сонзэ эряви ванстомс прок эсь эрямонть, партианть ванстомс засорениядонть.

Райкомось а лезды, организациясь а роботы

Дубенкань "Большевик" колхозсо первичной комсомольской организациясь допрок сезезь од ломанень массатнэнь эйстэ.

Колхозсонть кодамояк культурно-массовой работа арась, комсомольской организациясь (секретаресь Азиков) мезтькак а тейни. Зярдю комсомолонь райкомонь секретарекс роботась народонь врагось Буянов, то сестэ ульнест ламо сигналт неть весе асатыкстнэнь кувалт. Но сигналтнэнь леп-штилъ заядлой те врагось Буянов.

А пек седе парсте ашти теветсь нейгак. ВЛКСМ-нь Дубенкань райкомонь од секретаресь Шишкин ай-арсияк Дубенкань первичной комсомольской организациядонть. Плановь коряс первичной комсомольской организациясонть ию-

лень 18-це чистэ эряволь ютавтомс антирелигиозной чокшне, но райкомось эзь кучт докладчик.

Комсомолецтнэ сынськак а со-дасызь "Верховной Советс кочкамотнеде Положенияньт", целаконг уш кода арась ютксо политзанятияне ды ламо лият. Истя жо атак толкова Мокшэрзянь ВЛКСМ-нь обкомонть обращениязо, косо евтэзь Октябрьской революциянь 20-це годовщинантень мокшэрзянь трудиятне ютксо соцпелкстамонь ютавтомадонть.

Вана Калинин лемсэ колхозонь машиноведэсь Салмин (Ордань-буе) омбоцедэ уш терди Дубенкань "Большевик" колхозонь машиноведэнтъ Изанкинэнь соцпелкстамо. Но Салминэнь тердеманзо лангс ответ арась (Салмин терди, штобу 10 часос пивцэмс 14 тонат зерна). А. Тюкин.



Августонь 7-це чистэ СССР-нь ЦИК-нь Президиумонь заседаниясо максозельть Якстере Знамянь орденит пограничниктнэнь И. П. Труновэнь ды М. Я. Сучковэнь.

СНИМКАСОНТЬ: (кери ендю) якстереармеецэсь И. П. Трунов ды старшей лейтенантось М. Я. Сучков Кремлясто лисемадост мейле аштитъ Якстере пла-щадьсэ.

РККА-нь рядтнэстэ срочной службань рядовой ды младшей командной ды начальствующей составонть долгосрочной отпускс нолдамодо ССР-нь СОЮЗОНЬ ОБОРОНАНЬ НАРОДНОЙ КОМИССАРОНТЬ 145 № ПРИКАЗОЗО

1937 ие, АВГУСТОНЬ 10 ЧИ. МОСКОВ ОШ.

1. Нолдамс Робоче-Крестьянской Якстере Армиянь, пограничной ох-ранань ды НКВД-нь внутренней ох-ранань рядтнэстэ долгосрочной от-пускс срочной службань рядовой ды младшей командной ды началь-ствующей составонть, конат слу-жизь непрерывной службань арав-тозь сроктнэнь:

а) кавто иень срок марто служ-бань частьтнэстэ—1935 иень при-зывенцетнэнь;

б) колмо иень срок марто служ-бань частьтнэстэ—1934 иень при-зывенцетнэнь;

в) ниле иень срок марто служ-бань частьтнэстэ—1933 иень при-зывенцетнэнь;

г) высшей образования марто ломантнэнь—1936 иень призывен-цетнэнь, морской флотсонть жо—1935 иень призывенцетнэнь, конат

максызь запасонь командной ды начальствующей составонь звани-янь лангс испытаниятнэнь.

2. Нолдамонть ютавтомс:

а) РККА-нь сухопутной, воздуш-ной ды морской вийтнэстэ те иень октябриянь 1 чистэ, декабриянь 1 чис-шкастонть;

б) пограничной охранасто, НКВД-нь охранасто — 1937 иень декабриянь 1 чистэ, НКВД-нь внут-ренней охранасто—1937 иень де-кабриянь 30 чиятень.

3. Приказонть яволявтомс весе ротатнэсэ, эскадронтнэсэ, бата-реятнэсэ, командатнэсэ, отрядт-нэсэ, дивизионтнэсэ, суднатнэсэ ды экипажтнэсэ.

СССР-нь Оборонань Народной Комиссарось Советской Союзонь Маршалось—**К. ВОРОШИЛОВ.**

РККА-в очередной призывдэнтъ

ССР-нь Союзонь Оборонань Народной Комиссаронть 146 № приказозо

1937 ие, августонь 10-це чи. Москов ош.

1. Тердемс Робоче-Крестьянской Якстере Армиясь действительной военной службас те иень сентяб-риянь 1-це чистэ сазь октябриянь 1-це чис шкастонть 1915 иестэ ша-чозь граждантинэнь, конат не при-званойть 1936 иестэ ды целанек 1916 иестэ шачозь граждантинэнь контингентэнь, истяжо старшей возрасттнэнь граждантинэнь, конат-ненень ютасть призывень отсро-катне.

2. 1907 иестэ шачозь гражданти-нэнь, конатненень икеле ульнестъ отсрочкат, призывенть эйстэ осво-бодить ды перечислить васень оче-редень запасонтень.

СССР-нь Оборонань Народной Комиссарось Советской Союзонь Маршалось—**К. ВОРОШИЛОВ.**

МОСКОВ—ПЕЛЕВЕ ЕНО АМЕРИКА ЛИВТЯМОНТЬ ОРГАНИЗОВАМОН— ЗО КОРЯС ПРАВИТЕЛЬСТВЕННОЙ КОМИССИЯНТЬ ПЕЛЬДЕ

Кода уш ульнесь евтазь, што «СССР Н—209» самолетсонть Советской Союзонь героенть С. А. Леваневский ялганть ливтямозо мольсь атмосферной пек стака условиятнесь. Сэрей сплошной пельтнень кувалт самолетонть савкшнось ливтямс малав 6 тышат метрань сэрьсэ верьга. 14 чассто 32 минутасто стройста лисць вейке моторось, ды самолетонть савсь кармамс ливтямо 4600 метрань сэрь. Теде мейле самолетсонть полной радиограммат арасть примазь. Телеграмманы примазь отрывкатнень эйстэ неяви, што самолетось кой-зарс эщо ливтясь Можна арсемс, што пельтне юкова ливтямонть кувалт самолетось мог эензамс, тень кувалт жо савсь бульчом валгомс эй лангс. Полюсонть районсо ды сонзэ томбалеяк эень условиятне аштить благоприятнойкс истямо валгоманть туртов. Полярной весе станциятне апак лотксе кунцолыть самолетонь волнасонть. Радиостанциятне ламоксть марильть Леваневский ялганть самолетонь волнасонть работа, но беряньстэ маривоманть кувалт мезеяк достоверной примамс эзь саво.

«Н—209» самолетонть экипажонть ярасмо-пелезэ ули омбоце пель ковс, истя жо улить палаткат, удсема мешокт, лембе оршамопельть ды оружия. Положениянть толковазь, правительственной комиссиясь примась зярря мерат лезксень максоманть туртов. Лездамось организовави кавто направлениясо: Арктиканть Восточной ды Западной сектортнесь.

Восточной секторсонть, Чукотской полуостровонть ендо, примазь истят мерат:

1. «Красин» ледоколонтень, кона аштил Чукотской иневетень берегсо, максозь приказанья нейке жо сыргамс Шмидтэнь мысэнть, косо ули Главсевморпугенть авиабаза, бортс саемс 3 самолетт экипаж ды горючей марто, модемс Аляскасо Барроу мысэнь райононтень ды тосто пелеве

енов, козонь нолдыть эйтне, ды тосо кармамс улеме базакс.

2. «Микоян» пароходонтень, кона аштил Беренговой иневетьсэнь, мерезь уголиянь весе грузонть марто модемс «Красинэнтень».

3. Задков летчикенть «СССР Н—2» кавто мотор марто гидро-самолетось, кона ульнесь Ногаево бухтасонть, получаь приказанья нейке жо ливтямс Уэлленэв ды тосто пачкодемс тов, козонь моли «Красинэнь».

Западной секторсонть, Рудольф островонь авиабазанть ды Папанин ялганть «Пелеве ено полюс» станциянть лангс нежедезь, максозь истят указаньят:

1. Ливтямо анокстамс «АНТ—6» 3 самолеттнень, конат полюсстосасть Московов. Неть самолеттнэ Советской Союзонь геройтнень Водопьянов, Молоков ды Алексеев ялгатнень ветямост коряс ливтить Рудольфонь островонтень, тосто жо—пелеве ено полюсонть районов.

2. Папанин ялганть полярной станциясь, кона ней ашти нулевой меридиансо ды 87 градусонь 20 минутань широтасо, — ули теезь авиабазакс—вешнематнень туртов исходной пунктос, тозонь «АНТ—6» самолеттнэсэ Рудольфонь островонть кармить усксеме горючей.

Комиссиянть кевкстеманзо лангс Папанин ялгась отвечась, што сонзэ паксясь ванстовсь целанек ды самолеттнэ тозонь могут валгомс.

3. Советской Союзонь героенть Головин ялганть «СССР Н—206» ды Грацианской летчикенть «СССР Н—207» кавто мотор марто самолеттнэнь мерезь модемс Диксонь островов ды тосо улемс резервакс пелеве енов—Арктиканть Западной эли Восточной секторс ливтямонть туртов.

Радио ды метеостанциятнень весе сетесь роботанть вети апак лотксе.

Правительственной
комиссиясь.

Лагерев—оймсеме

Дубенкань район. Игнатычевань пиче вирьс панжозь пионерэнь лагерь. Лагерентень кенярдозь молиль оймсеме пионертнэ.

Кабай велень аволь полной сред-


ней школань пионерской организациястонть кучозь уш 3-це смена. Молиль: Филиппов, Куманев, Быков, Слугина ды лият.

Быков, Москалев.



СНИМКАСОНТЬ: Рузаевкань Ленинской чулгань кинь рабочейтне 1 май колхозсо «БДО—4» пивцэма машинасо пивцить розь.

Фотось ВЕРЕТЕННИКОВОНЬ,



Харьковской опытной Коксохимической заводось

СНИМКАСОНТЬ: Заводонть окубертнень общей видэсь, конат пүтозь газонь кунцеми ды ваньксавтомс.

Тонавтнема од иентень школатнень анокстамост

Тонавтнема од иентень анокт

Саранск ошонь 2-це ды 13-це школатне тонавтнема од иентень анокстазь а беряньстэ. 2-це школанть кадовсь ансяк белямс стенатне ды шламс киякстнень Учебной пособиятне улить, партатне, столытне, доскатне ды лия инвентаресь витнезь весе. Школанть пенгензэ анокстазь сатышкат тонавтнема иенть перть.

Истяжо а беряньстэ ашти тевесь 13-це школосонтькак. Школанть педагогической составозо сатышка. Учебной пособиянзо, пенгензэ анокстазь. Школань ремонтось истя-жо прыдозь, школосонть ули радио.

Н. Симдянов.

Школанть анокстыть

Кацялаень школань заведующесэ Бызгаев ды велень советэнь председателесь Балаев анокстыть школанть тонавтнемань од иентень: красить крышатнень, печькатнень вачкить весе одов, валиць завалинкатнень, белить стенатнень,

анокстызь весе партатнень ды лият. Школась августонь 25 це чиятень улеме карми анок ды тонавтиятне сыть вадрясто анокстазь ванькс школос.

П. Чигаев.

Кочкуровань район.

Безответственной яволявнемат школатнень анокстамост кувалт

Тонавтемань од иенть самс кадовсь аламо. Кочкуровань районсонть жо кой-кона велетнева анокстамось моли пек беряньстэ. Тат-Умысэнь вельсоветэнь председателесь Наркаев оймавтызе седеензэ мелят ютавтозь ремонтонть лангс, те иестэнь жо а ледни мелензэнзэяк.

— Мон весемеде аламо заботян школанть кис,—корты сон. Уборочной, а шка школанть марто усксеемс.

Руз-Давыдовань вельсоветэнь председателесь Лукин школанть од иентень анокстамонть лови «чепуховой» тевкс, секскак ремон-

тонь ютавтомс арасть эск, галанкатнень арасть задвижкат, печькатне апак вачксе.

Ташто Мурзань вельсоветэнь ды колхозонь чиновниктнэ арсезевсь сень эйс, што школань класстнэнь кай ест пивцэзь сюрот. Школанть теизь сышной пунктос. Класстнэстэ партатнень ертнизь вейке кудяс. Васенце номер школанть витнеме эзть кармсе.

Неть весе асатыкстнэ мешить тонавтнемань од иенть нормальной ушодомантень ды сонзэ организованнойстэ ютавтомантень.

П. Чигаев.

Школась тонавтнема иентень аволь анок

Чамзинкань районсо, Мокшалай велень аволь полной средней школоса од директорось С. С. Новиков а мелять тонавтнемань од иентень анокстамонть кис.

Школосонть вальмат арасть—тапазь, потопкатне весе каладот, пенгть овсе арасть.

Тонавтнема од иентень школат-

нень анок-чист проверямонь коряс райкомолось, бульчом, местька а тейни ды «легкой кавалериянь» рядэськак нать эзь кунда тевс.

Эряви нейке жо кармамс школатнень анок-чист проверямо ды максомс эрявикс лезкс тонавтнема иентень анокстамость.

С. Девяткин.

Парсте роботыця комитет

ВКП(б)-нь ЦК-нь февральско-мартовской пленумсонть Сталин ялганть докладонзо ды заключительной валонзо, ВЛКСМ-нь ЦК-нь 3-це пленумонть решениянзо тонавтнемась комсомолонь эрва руководителентень, пропагандистентень ды членэнтень максить сень чаркодема, кода эрви ветямс од ломантнень ютксо политической ды культурно-воспитательной роботанть.

Нетъ решениянть тонавтнеманть коряс аравтозь роботась Саранскоень Строй-трестэнь комсомольской организациясонть. Комитетэнь секретаресь Маркелов ялгась, сон кочказь 1937-це иень март ковсто.

Кить ульнесь комсомольской комитетэнтъ те шканть самс? Баландин — пьяница, дисциплинань калавтыця. Новиченков — жулик. Гантман — народонь враг. Вейсман — народонь врагтнэнь лездыця.

Нетъ врагтнэ ды врагтнэнь лездыцяне калавтокшнызь Строй-

трестэнь комсомольской организациянтъ, активной комсомолецтнэ партийной комитетэнтъ лездамонзо марто таргизь лангс народонь врагтнэнь ды сын панезь комитетэнтъ ды комсомолстойк.

Мезе тейсь од комитетэсь, кода кочказь 1937-це иень март ковсто? Организовась лекциянь кунсолomat. Тонавнтить Сталин ялганть докладонзо, Мокшэрзянь Конституциянтъ. Общежитиясо ламокст невтнесь кино-картинат, организовась театрав якамот, художественной литетатурань ловномат ды лият.

Сонсь Маркелов ялгась вети начальной политграмотань кружок ды сеedyсь эрси робочейтнень ютксо, косо вети беседат.

Июлень 11—12-це читнестэ комсомольской организациясь ютавтсь отчетно-кочкамонь промкс, косо комитетэнтъ роботанть ловизь удовлетворительнойкс ды кочказель од комитет, козонь составь ташто комитетэнтъ члентнэ.

Азякаев.

Комсомолецтнэ валост эзизь топавто

Чамзинкань р-н. Июлень 12-це чистэ Хлыстовка ведесэ ульнесь вельсоветэнь расширенной пленум, козонь сакшность комсомолецтнэкс. Сын максить вал нуема ды пивцэма ланга ды весе бригадань стантнэва организовамс культурно-массовой работа. Тень кувалт эрва бригадас кемек тазельть комсомолецт газетань ловныцякс, Конституциянтъ толковиякс, стевной газетань нолдыцякс ды лият. Но кияк мезеяк а тейни. Комсомолецтнэ валост эзизь топавто.

Вана комсомолецэсь Ерофеев Н.

Кочказь Мокшэрзянь писательтнень союзонтъ од руководства

Августонь 11-це чистэ ВКП(б)-нь обкомонь секретаресь Котелев ялгась примакшнызе Мокшэрзянь писателень активеять. Лангс таргазь МАССР-нь писателень союзонь ташто руководстванть весе асатыксэнзэ ды ильведьксэнзэ. Сон ношкалгавтокшнызе революционной бдительностентъ. Писателень союзонь членкс ды правлениянть членкс понгонесть народонь врагт. Писателень союзонтъ председателесь Антонов ульнесь народонь враг. Ответственной секретаресь нетъ врагтнэнь кедьсэ ульнесь „налкумакс“, конань сокор-чинзэ ды беспечностевзэ кувалт народонь врагтнэ ветясть эсист подлой теветс.

Писательтнень ютксо творческой вопроствэнь коряс кодамояк работа арасель, арасель бороцямо художественной паро произведенийнэнь сермадоманть кис.

Писательтнень тонавтнема эзь ульнэ организовась. Ламо писательть меельсэ шкастонть малав меськак эсть сермадо, кой-конат жо ваднильть халтурной стихт ды лият. Од писательтнень марто работа кияк эзь ветя.

Весе тень кувалт, мокшэрзянь писательтнень ташто руководстванть активесь распустил. Одс кочказь правлениянть 3 члент. Правлениянть председателекс кочказь Куторкин ялгась, ответственной секретарекс Бебан ялгась.

кемекстазель газетань ловномо 5-це бригадас, но сон тевс эзь кундсеяк.

Истя жо арась кодамояк культурно-массовой работа велесэнь-как.

Г.



СНИМКАСОНТЬ: „1 май“ колхозонь (Рузаевкань р-н) парторгось Киржаев ялгась ванкшны панжозь чинжарамо прятнень эйсэ.

Фотось ВЕРЕТЕННИКОВОНЬ.

САСЬ, ТУСЬ ДЫ СЕРМАДСЬ...

„Ленинэнь киява“ газетанть юнкорось Н. С. Быков „ЛК“ газетас кучокшнось эсинзэ берянь эрымонь условиянде заметка, косо сермадозель, што арась сонзэ а тетьзо, а авазо, што сонензэ кияк а лезды.

Коля—пионер. Тедиде прядызе 5-це классонтъ. Ней карми тонавтнеме 6-це классо. Колянть заметка-до кучозель ВЛКСМ-нь Дубенкань райкомов расследованияс. Заметканть проверямо кучокшнызь П. Суродеевнень.

Мердядо проверямонтъ Суродеев ютавтызэ кода эрви? Арась Мольсь сон Кабай велес ды кармась кевкст-

пеме Колянть, кода сон содасы географиянтъ ды лия предметнэнь, но заметкасонть фактнэнь проверямонь тевенть кадызе.

Эзь визде тедэ мейле кучомс „ЛК“ газетанть редакцияв истямо кенгелязь куля, што Дубенкань Собесэсь Быков Колянень эрва ковнэ максни 51 целковойть ярмакт, колхозось ставтсь пиджакт ды лият. ВЛКСМ-нь Дубенкань райкомонтъ ды сонзэ работникензэ Суродеевнень алтнематне—чаво валт. А ярмакт, а пиджакт а лия алтнемат Коля эзь получа.

Евг. Агеев.

Дубенкань р-н.

СЕДИКЕЛЕНЬ НАРОДНОЙ МОРО

Вай, берянь ломань
Велень старостась.
Вай, дурак ломань
Кежей земскоесь.
Сын куялгadyть
Ломанень верьсэ.
Кедест-чамаст шлить
Бедной сельведьсэ.
Лишмем сын саизь
Недоимкань кис.
Карюхам нельгизь
Подушноены кис
Вай паро ульнесь
Монсинь лишминем,
Мазыель ульнесь

Монсинь карюхам.
Прок топонь прякат
Сонзэ пилензэ,
Ендолокс налксильть
Валдо сельмензэ,
Прок од тейтерень
Сонзэ пулозо,
Раужо парсейть
Сонзэ гриванзо.

Те моронть морсить
Боклинской райононь
Нойкина велесэ (Оренбургонь область). Сермадызе Сурков Михаил.

МИХАИЛ СУРКОВ

Частушкат

„Ворошиловский стрелок“.

Иневедекс сравтовсь паксясь,
Пек видестэ таргавсь кись.
Монь вечкемам мазый цера,
Сехте вадря тракторист.

Чокшнень шкасто килей прясо
Моронзо моры цеков.
Вечкемам Дальней Востоксо,
Монь эйсаяк терди тов.

Сэнь менельга уи ковань,
Правтни тосто сиянь налт.
Тейтерть моразь сыть солмамсто
Колхозонь ульцянтъ кувалт.

Оренбургской область,
Боклинский район, Нойкина веле.

Меськак а тейница комсорг

Березникень район. Косогоронь первичной комсомольской организациясонть зярдья уш ульнесь отчетно-выборной промкс. Промксось ды кочкамотне ютавтось беряньстэ.

Од комсоргокс кочкизь Кеняйкинэнь, конань мик арась личной теვენзэ райкомсояк, сон паро ендозэ некте эсь прынзо комсомольской роботасо.

Комсоргокс кочкамотонзо мейлеяк эзь ютавтне комсомольской промкс, а вети организациясонть кодамояк работа.

Комсомолецтнэ меськак а тейнить. Тонавтнема, культурно-массовой работа арась.

Березникень райкомось весть-как эзь варштакшно те организациянтъ лангс, тензэ а лезды.

М.—Н.

Вадря работа—вадря результат

Дубенкань район. Кенде велень „Юпитер“ колхозонь председателесь Девляшкин ялгась парсте организовизе колхозсо роботанть. Сюронь урядамось моли вадрясто. Розень нуемась ютавтось нурыка шкас ды вадря качества марто. Весе розесь пивцэнь ды топавтозь уш государстванть розень максомань планось.

Русскин.

ПАРО УЧЕТЧИК

Дубенкань район. Кабай велень Каганович лемсэ колхозсонть 4-це бригадасонть учетчикекс роботы комсомолец Седойкин.

Сон свал евтнекшны колхозниктнэнь, кие зняро тейсь трудочить ды эсь шкасто сермадсынзе трудовой книжкав.

Тедэ башка, Седойкин колхозниктнэнь ютксо вети культурной ды воспитательной покш работа.

Агеев.

КИТАИСЭ ЯПОНСКОЙ ИНТЕРВЕНЦИЯСЬ СЕВЕРНОЙ КИТАИСЭ КИТАЙСКОЙ ВОЙСКАТНЕНЬ УСПЕХЕСТ

Августонь 14-це чистэнь валске марто японской военной суднатне, конат аштить Ванпу лейсэнь, таго бомбардировизь Шанхаенть. Зяря квартал палыть, секс, што японецтне Леднить кирвастица бомбасо. Палы северной вокзалось. Пожартне покшолгалить эщо секс, што пуви виев варма.

Седе мейле, зярд японецтне кирвастиць военной толонт, бойс васенцеде лисць китайской бомбардировщиктне. Сын бомбардировизь военной суднатнен, истя жо зданиятнен, конатнен занизь японецтне. Японской военной батареятнен виевст леднемастлангс апак вано, самолеттненень эзь ульне теезь кодамоак зыян.

4 чассто китайской авиациясь кармась виевст бомбардировано Ханкью районот, козонь пурнавозь японской войскактне ды ко-сот японской военной суднатнен аштема таркаст. Курок ушодовсь воздушной бой японской ды китайской самолеттненень ютксо. Боесь мольсь часодо кувать. Ошонт лангс японецтне ертст ламо бомбат. Грузовиктне ды пожарной автомобильтне ошонт эрва енов ускить мирной эрицятнен ютксто маштнезь лсмантнен рунгост.

Ошонт зяря тышат ломанть раязь. Кудовтомо кадовозь ламо сядо тышат эрицят яксить ульцятнева.

Японской сведениятнен коряс, Шанхайской районсонть ней пурнавозь ниленьгеменде ламо китайской бомбардировщикт.

Китайской войскактне, конат ванстыть эсист масторонт независимостензэ, Северной Китайсэ тейст покш вачкодевкс японской войскактнен ланга. Августонь 13-це чистэ японецтне 30 бомбардировщиктнен, 60 орудиятнен ды 30 танкактнен лездемаст марто ушодст атака Нанькоунь горной проходот лангс (Бейпинэнь эйстэ пелеве енкс марто чи лисема ено). Горной проходот саеме зяря безуспешной снартнемат неде мейле японецтне потаст, юткост ламо маштозь Китайской войскактне виев бойде мейле составь Янлунинь (Тяньцзиньт эйстэ пеле чи енкс марто чи валгома ено) ды Ленсяняв (Бейпинэнь эйстэ пеле чи ено). Ленсяняв ульцятнезэ молит бойть японской ды китайской войскактнен ютксо. Янлуниньсэ китаецтне японецтнен пельде сайст ламо вооруженият ды аммуниция.

ТАСС.

Испаниясо фронттнезэ

Августонь 14-це чистэнь республиканской войскактне успешной атакадо мейле сайст важной позиции Брунетень калмазыренть маласо (центральной фронт), кона господствует те велевель великсэ. Мятажиктне леднесть пулеметтнезэ, тень лангсапак вано республиканской динамитчиктне мольст неприятельской окоптнен малас ды аволь кувать сражениядо мейле мятажиктнен панизь неть позициятнезэ.

Чи лисема ено (арагонской) фронтсонть августонь 13-це чистэнь эсть ульне военной покш действият.

Пелеве ено фронтсонть республиканской артиллериясь, авиациянь лездемазонь марто, виевст бомбардировизь мятажиктнен позицияст Градо ошонт маласо. Мятажиктнен ютксто ламот маштозь. Грандосто молиця кинть кувалт республиканской 5 истреби-

тельть ды 5 бомбардировщикт атаковизь мятажиктнен вейс пурнавозь войскактнен. Сынст лангс республиканецтне леднесть пулеметтнезэ, мятажиктне чиезь оргедст, юткост ламот маштозь. Тапазь сынст зяря грузовикт.

Республиканской авиациясь августонь 13-це чистэ леднесть мятажиктнен зяря аэродромт, истя жо Бургоссо аэродромот, ко-со ульнест кеменьшка самолетт. Истя жо бомбардировазь Сигуэнсэ чугункань кинь станциясь, ко-со ульнест 80 вагонт военной материал марто.

Августонь 13-це чистэнь мятажиктнен самолеттне кавксть каявкшность Барселонанть лангс, но сынст панизь республиканецтнен зенитной артиллериясь ды истребительтне. Ошонт эзь ульне теезь кодамоак зыян.

ФАШИСТТНЭ КОНТРОЛИРУЮТ СЮРОНЬ ПИВЦЭМАНТЬ

Чехословакиянь коммунистической партиянь „Роте фане“ газетась сермады, што Германиясо, Саарской областсэнь, весе молотилкатнен ваксо, конат пивцыть од урожай, аштить правительственной контролерт, сын проверить зернанть, конань крестья-

нянтэ получить пивцэмадо мейле. Фашистской властнен те тевесь крестьянтнен ютксо кастась покш мельса паро, седеяк пек эщо секс, што контролертнен роботаст кис пандыть сынсь крестьянтне.

ТАСС.

Фашисттнен пиратской действияст

Барселонасто пачтить куля, што августонь 12-це чистэ мятажиктнен 4 самолетт бомбардировизь датской „Эдит“ пароходонт, кона укшнль Барселонанть эйстэ пеле чи енов 30 милень тарка. Фашистской самолеттне ертст 25 бомбат ды ваявтызь пароходонт. Команданть 20 ломанть ды контрольной наблюдателенть (француз), конат ульнест пароходонь бортсонть — ванстызь калонь кундыцят.

Франциянь „Парам“ торговой пароходонт мельга Тунисэв кинть лангсо укшнсь апак содань подводной лодка. Пароходонт малас сезевсь подводной мина.

„Апак содань подводной лодкактнен“ пиратской действияст кувалт, туниской портсонть аштия пароходтнен командатне вешить, штобу икеле пелев пароходтнен марто кармавольть уле-ме военной суднат.



СНИМКАСОНТЬ: Черентаев Гриша контой граблясо урядась пинеме площадьт лангсто певерезь пинеме прыг („1 май“ колхозсо, Рузевкань р-н)
Фотось ВЕРЕТЕННИКОВОНЬ.

Уцяскав атя

Августонь 11-це чи.

Чукало велень колхозонь паксясонть нуить ды сюлмить товсюро. Весе капшить шкастонзо ды емавкссто урядамс истямо сюлав урожаенть. Капши Фадей Константинович Слугингак. Сон—роботыцятне ютксо сех сыре. Тензэ 74 иеть. Телня роботась птице-то-варной фермасо.

Сюронь урядамо шкастонть кавксо чить тарвазсо нусь розь. Тейсь 24,60 трудочить. Августонь нилеце чистэнь жнейка мельга сюлми пулт—эрва чистэ 780—800. Мартонзо кандли грабля, эрва пултонт сюлмамодо мейле перьканзо пурны кадовозь колозтнен. Пултонзо прок налкумат.

Сон одтненень невти пример, кода эрви честнойстэ ды парсте роботамс. Седесть, келя, кемерды истямо сюронть урядамсто. Чопбу пряк аволить кепсе. Мон, вана, келя, эря 74 иеть, истямо урожай эзиль некшне. Роботы сон парсте. А стяко колхозной стенной газетасонть сермадсть сонзэ кувалт, ловизь икеле молицякс, ударниккс.

Завторкамодо мейле Фадей Константинович кармась монь марто кортнеме. Сон кевкстни Сталинской Конституциядонть, МАССР-нь Конституциянь проектэнт. Бажи содамо, кодат од кулят минек масторонть, мезе моли Испаниясо ды лия мастортнезэ, Кевкстни, кодат колхозт минек районсонть, республикасонть молит сех икеле.

Ледстизе эсинзэ сидикелень эрямонзояк. Кодамо сон стакаль! Зярдояк сон эзь менькшне нужа-чистэнь. Роботакшнль сюлавтнен лангс. Низэ киши сускомонь кис кулаконь паксясо роботакшномсто шачтась колмо эйкашт.

— Вана, церам, ней овси лиякстомсь эрямось. Колхозсо эрямонк паро. Мон ней путынь од кудо, раминь скал, улить ведрекшем, тувом. 13 ревень... Мон ней сельмем сявадыть од ломантнен лангс, кодат сын уцяскавт! Роботак ансяк, тонавтнек, оймсек. Седикеле те минек туртов арасель. Содылинек ансяк майсемат. Яла теке, куш сырян, но эщо арсян седе кувать эрямс истямо вадря шкастонть.

Ды сон, сыре атысь, евы покш пасиба Сталин ялганть, кона максызе те вадря эрямонть.

Оймсемадо мейле Фадей Константинович таго, вейс весе лиятне марто, кундась тевезэнзэ.

Ф. Кипайкин.

Ардатовань район.

Выигрыштнен 3-це тираж

1937 иень августонь 25-це чистэ Фрунзе ошсо (Киргизской ССР) карми улеме Омбоце Пятилеткань (нилеце иень нолдавкс) заемонт коряс выигрыштнен колмоце тираж.

Тиражсонть кармить улеме налкесэз вейке миллион выигрышт 164 миллионт 920 тышат целковой лангс.

ФУТБОЛ

Москов—Саранск

Апак вант сень лангс, што августонь 14-це чистэ ульнесь пиземе, яла теке Саранскоень стадионов ютасть ламо ломанть футболсо налксеманть вано.

Московонть пельде налкесэз Ленинской чугункань ки лангонь „Локомотивень 1-це“ футбольной командась. Саранскоень пельде—„Динамо 1-й“ командась.

Налксемась ушодовсь 6-це чассто, чокшне.

Васень минутгнэстэ инициативанть саизь сеске москвичтне ды аламошкань ютазь пансть вейке гол Саранскоень команданть ортава. Кадовст колмошка минутат. Саранскоень командась кармась седе живойстэ ды пандызе москвичтнен голонт.

Васень таймось прыдовсь вейкедсть: 1:1 счет марто.

омбоце таймось ушодовсь динамовецтнен виев наступлениясо. Инициативась кармась у леме сынст ено.

15—20-шка минутонь ютазь динамовецтне пансть эщо вейке гол. Югась эщо аламошка—пансть колмоце. Пиземесь яла седеяк виензы, но 2000 ваныця публиканть ютксто кияк а туй. Весе кортильть: „Изни Москов“. Но ней те мелесь прась.

Ютыть меельде минутатне. Москвичтне стараить пандомс динамовецтнен, но тевес эзь лисе.

Ансяк вратаренть ильведксэнзэ кувалт москвичтнен савсь панемс эщо вейке гол.

Истя налксемась прыдовсь 3:2 счет марто Саранскоень лезэс.

Ф. Шт.

Редакционной коллегия.